



**საქართველოს სოციალურ - ეკონომიკური
განვითარების ძირითადი პერსპექტივები**

ზურაბ ვაშაკიძე
სტუ პროფესორი
მერაბ კელენჯერიძე
სტუ ასოცირებული პროფესორი
მარიკა დიასამიძე
სტუ დოქტორანტი

*„ძლიერთა დასუსტებით - სუსტს ვერ გააძლიერებ; მდიდრების განადგურებით - სიღარიბეს ვერ დაძლევ; ადამიანებს ვერ მიეხმარები, თუ მათ გასაკეთებელს - შენ გააკეთებ“
აშშ პრეზიდენტი აბრაჰამ ლინკოლნი*

საქართველო, როგორც ერთ-ერთი პოსტსაბჭოთა ქვეყანა, 90-ანი წლებიდან მოყოლებული, სოციალურ-ეკონომიკურ კომპლექსურ რეფორმათა გატარების რეალობამ მოიცვა, მათ შორის გამოსაყოფია:

ა) არსებულ საწარმოო სტრუქტურებში, საწარმოო მოცულობათა და წარმოებული პროდუქციის ნომენკლატურული მრავალფეროვნების თანდათანობითი შემცირება და მათი დაყვანა მინიმუმამდე ან სრულ შეჩერებამდე.

ბ) არსებულმა ტენდენციებმა გამოიწვია ქვეყნის შიდა და გარე ბაზარზე ტრადიციული მომხმარებლის დაკარგვა, რაც მათი გადახდისუნარობითაა გამოწვეული.

გ) სავალდებულო ნედლეულსა და ენერგო რესურსებზე ფასების ზრდა.

ეკონომიკური რეფორმა

გ) ობიექტურმა ვითარებამ გამოიწვია საწარმოო სტრუქტურებში სავალდებულო ტექნოლოგიურ ცვლილებათა განხორციელების აუცილებლობა.

დ) არსებული ადამიანური რესურსის, მეცნიერულ - ტექნიკური ცოდნის დონის, მოძველებული მორალური და ფიზიკური ფაქტორების წინა პლანზე წამოწევა.

ე) სათანადო და სავალდებულო ცოდნის დეფიციტი, რაც მასიური უმუშევრობის წინაპირობაა და რასაც შესაძლოა ორგვარი მიზეზი - ბუნებრივი მიზეზები და ეკონომიკური ცვალებადობა განაპირობებდეს.

შესაბამისად, სტაბილიზაციის დონეზე მყოფი პოსტსაბჭოთა საწარმოები საქართველოს დღევანდელ სინამდვილეში დგანან რესტრუქტურისაციის წინაშე, რათა მიღწეულ იქნას სოციალურ-სამომხმარებლო მოთხოვნილებათა დაკმაყოფილების ბერკეტები, ეკონომიკის სამი მთავარი პოსტულატის უზრუნველსაყოფად: „ვისთვის ვაწარმოთ? რა ვაწარმოთ? როგორ ვაწარმოთ?“

აღნიშნული სოციალურ-ეკონომიკური ბერკეტების ამოქმედება განაპირობებს პროდუქციის ასორტიმენტის და მოცულობის სტაბილურ ზრდას ხანმოკლე პერიოდში, სოციალურ სფეროში მომხმარებლის მოთხოვნილებათა შესაბამისად. ამ ფაქტორების ზრდა კი ინოვაციური მეწარმეობის განვითარების გარეშე წარმოუდგენელია.

მეწარმეობა, როგორც ეკონომიკური ცნება და ქმედითი პროცესი, ამავედროულად წარმოადგენს „შემოქმედებით პროცესს“, ანუ ქმედების რთულ ჯაჭვს, რასაც საფუძვლად უდევს:

1) სამეწარმეო იდეის ძიება, ჩასახვა, წარმოშობა და მისი რეალური განვითარების შემდგომი ეტაპები;

2) ეკონომიკური ფაქტორების საფუძველზე შესაბამისი სარგებლის მოტანა და შემდგომში მისი სხვა ანალოგიურ სამეწარმეო საქმიანობაში დაბანდება/გამოყენება სოციალურ-ეკონომიკური ანბანური ჭეშმარიტებაა, ანუ „ფულმა ფული უნდა მოიტანოს“!

3) სამეწარმეო იდეის რეალური და პრაქტიკული გადაწყვეტილება ბევრადაა დამოკიდებული მის შემსრულებელზე, ანუ ადამიანური რესურსის პოტენციალზე;

4) არარეკომენდირებულია ადამიანური რესურსის გამოყენება მხოლოდ ერთ სამეწარმეო საქმიანობაში და სავალდებულოა ახალი სამუშაო გარემოს ჩამოყალიბება;

5) სამეწარმეო საქმიანობაში დაბანდებული ფინანსური სახსრების მიზანმიმართულობა უნდა ექვემდებარებოდეს კონტროლს წარმოების ყველა ეტაპზე;

6) „მორალურად მოძველებული ცოდნის“ განახლება და პროფესიონალური ზრდა, ასევე წარმოადგენს წამყვან ფაქტორს „გლობალიზაციის პროცესში“;

7) „მორალურად მოძველებული ცოდნის“ ზრდის ტენდენცია სახელმწიფოსაგან მოითხოვს ქვეყნის მმართველობითი ორგანული სტრუქტურების, მსოფლიო/ევროპული სტანდარტების შესაბამისი ახალი ფორმირებითი მოღვაწეობის, მოთხოვნილებებისა და განვითარების გზაზე უცეცხლოდ გადასვლას.

საქართველოს პერსპექტიული და პოტენციური განვითარება ბევრადაა დამოკიდებული დიფერენცირებული ქვეყნების რეიტინგში მის ადგილზე.

საქართველო მსოფლიოს ქვეყნებს შორის ცნობილია თავისი:

ა) გეოპოლიტიკური ადგილმდებარეობით - აზიისა და ევროპის გეოგრაფიულ გასაყართან;

ბ) სოფლის მეურნეობის- აგრარულ ქვეყნად, რაც მას ანიჭებს სათანადო რეიტინგს ამ მიმართულებით.

გ) ადამიანური რესურსის პოტენციალი, რაც დაფუძნებულია ქართული ერის ინტელექტუალურ პოტენციალზე. ამას მსოფლიოში მრავალი მაგალითი იძლევა (დღევანდელ რუსეთში არსებული რიგი ქართველების პოტენციალურ-ინტელექტუალურ-ორგანიზაციული ქმედითობა, გამოიხატება მათი რეიტინგის „სუპერ ახალი რუსების/СВЕРХНОВЫЕ

РУССКИЕ“ რანგში გადასვლაში, რაც პრაქტიკულად გამოიხატება - 15 000 \$ დღიურ შემოსავალში. დღევანდელ ევროპულ რიგ ქვეყნებში - არსებულ სამეცნიერო წამყვან სტრუქტურებში, საკმაოდ დიდ დონეზეა წარმოჩენილი, ქართველ მეცნიერთა პლეადა, მაგალითად, მრავლისმთქმელია ავსტრიის ქ. ზალცბურგში - ევროპის მეცნიერებათა და ხელოვნების აკადემიაში: საქართველოს მეცნიერებათა ეროვნული აკადემიის პრეზიდენტის, აკადემიკოს ბ.ნი. გიორგი კვესიტაძის არჩევა - ევროპის მეცნიერებათა და ხელოვნების აკადემიის სრულ და ექსკლუზიურ წევრად - საბუნისმეტყველო მეცნიერების სფეროში.) ინტელექტუალური პოტენციალური მაჩვენებლები და რეიტინგული მონაცემები, მსოფლიო ქვეყნების დიფერენცირებული მაჩვენებლებში აღნიშნული პარამეტრებით - საქართველოს პოზიცია, პრეტენზიას აცხადებს მე-3-5 ადგილზე - (ინფორმაციის წყარო: J.W.MELLOR, B.F.JOHNSTON “ THE ROLE OF AGRICULTURAL IN ECONOMIC DEVELOPMENT”. American Economic Review, vol 103, no 3, 666-93).

გასულ საუკუნეებში საქართველოს მოსახლეობის ეკონომიკური საქმიანობის ხასიათი და მიმართულება განისაზღვრებოდა ქვეყნის გეოგრაფიული მდებარეობით, მოსახლეობის მიერ სასურველი ეკონომიკური მიმდინარეობა კი სასოფლო-სამეურნეო-აგრარული საქმიანობით, რაც განპირობებული იყო ქვეყნის ბუნებრივ-კლიმატური პირობებით, ნაყოფიერი მიწით და საქართველოსათვის დამახასიათებელი ისეთი პარამეტრებით, როგორიცაა:

- ქვეყნად არსებული წყლის მარაგების მრავალფეროვნება და ოდენობა;

- ქვეყნად წარმოებული ხილის მრავალფეროვნება და მაღალი ხარისხი;

- ქვეყნად წარმოებული ბოსტნეულის მრავალფეროვნება და მაღალი ხარისხი;

- მსხვილფეხა და წვრილფეხა საქონლის მრავალფეროვნება, მაღალი ხარისხი და შესაბამისი ოდენობა;

- ყურძნის გადამამუშავების შედეგად მიღებული პროდუქციის მრავალფეროვნება;

- პოსტ-საბჭოთა ქვეყნებისა და მთელი ევროპულ-ამერიკული კონტინენტებისათვის მეტად მისაღები ეკონომიკური პოსტულატის უზრუნველყოფაა აბრეშუმში, რომლის განვითარების ყველა წინაპირობას საქართველოს გეოგრაფიული განლაგება იძლეოდა/იძლევა;

- საქართველო ისტორიულად იყო პოლიტიკურ-ეკონომიკურ-ინდუსტრიული სახელმწიფო და დამოუკიდებელი სტრუქტურული ერთეული, რაც ბუნებრივად ითხოვდა მეტად მრავალფეროვან და სხვადასხვა მიმართულებით მომსახურე პერსონალს. საქართველოში ტრადიციულად არსებობდა და დღესაც არსებობს ადამიანური რესურსი, სათანადო ინტელექტუალური პოტენციალით;

- საქართველოს სასოფლო-სამეურნეო განვითარების პერსპექტივიდან გამომდინარე სავალდებულოა შესაბამისი საწარმოო ინდუსტრიული პოტენციალის განვითარება.

თუ დღეის მდგომარეობით განვითარებული ქვეყნები დამაჯერებლად გადადიან განვითარების პრინციპულად ახალ ეტაპზე - ინოვაციურზე, ეს ნიშნავს, რომ ინდუსტრიულ სიახლეთა გამოყენების პროცესი ხორციელდება გააზრებულად, მიზანმიმართულად, დასაბუთებულად და ეკონომიკურად სრულყოფილად.

ინოვაციური განვითარება - საზოგადოებაში განიხილება, როგორც კაცობრიობის სოციალურ - ეკონომიკური განვითარების მთავარი ინსტრუმენტი.

ტერმინი ინოვაცია ახალი ეკონომიკური კატეგორიაა და სამეცნიერო ლიტერატურაში გაჩნდა XX საუკუნის დასაწყისში, ავსტრიელი მეცნიერის, ი. შუმპეტერის ნაშრომში „ეკონომიკური განვითარების თეორია“, სადაც განხილული იყო ინდუსტრიულ განვითარებაში სათანადო ცვლილებების შეტანა, ანუ ინოვაცია, რის გამოც მანვე გამოკვეთა საკითხები, რომელთა გარეშეც ინოვაცია არასრულყოფილია ან სრულად

არ შეესაბამება მის მიერვე გამოთქმულ დაუწერელ კანონს: „განვითარების გარეშე არ არის მოგება, მოგების გარეშე არ არის - განვითარება“.

ინოვაციური განვითარების ძირითადი და სავალდებულო ცვლილებების ნუსხა:

- ახალი ტექნიკის, ტექნოლოგიური პროცესების ან წარმოების ახალი, საბაზრო უზრუნველყოფის გამოყენება.

- ახალ თვისებათა მქონე პროდუქციის დანერგვა.

- ახალი ნედლეულის გამოყენება საწარმოო პროცესში.

- ცვლილებები წარმოების ორგანიზაციასა და მის მატერიალურ-ტექნიკურ უზრუნველყოფაში.

- გასაღების ახალი ბაზრების ძიება და პოვნა.

ჩამოთვლილ ინოვაციურ ინდუსტრიულ ვალდებულებათა გარდა ინოვაციური განვითარების სამი საბაზო სავალდებულო მოდელი იკვეთება:

1) „ტრადიციული მოდელი“ ანუ სრული საინოვაციო ციკლი, რაც ითვალისწინებს: იდეის ჩასახვა-ფორმირებიდან მზა პროდუქციის, მასიურ წარმოების ეტაპამდე მისვლას. ასეთი ინოვაციური მიმდინარეობის მიმდევრებად, საერთაშორისო საბაზრო ეკონომიკაში ითვლება: აშშ, დიდი ბრიტანეთი, გერმანია. ეს მოდელი ორიენტირებულია მაღალტექნოლოგიური პროდუქციის საექსპორტო მიწოდებაზე.

2) „ორიენტირებული მოდელი“ - მაღალტექნოლოგიური პროდუქციის წარმოება საგარეო ბაზრისათვის. ასეთი ინოვაციური მიმდინარეობის მიმდევრებად საერთაშორისო საბაზრო ეკონომიკაში ითვლება: იაპონია, სამხრეთ კორეა, ჰონკონგი, ჩინეთი და სხვა, რომლებიც წარმოებაში იყენებენ „ტრადიციული მოდელის“ ქვეყნების ტექნოლოგიურ მიღწევებს.

3) „ალტერნატიული მოდელი“ - ამ შემთხვევაში, საინოვაციო პოლიტიკა მიმართულია არა ახალი ტექნოლოგიების შექმნაზე, არამედ მის გამოყენებასა და გავრცელებაზე ეკონომიკის სხვადასხვა მიმდინარეობათა სფეროებში, როგორიცაა:

3.1. ეკონომიკის მენეჯმენტი;

3.2. სამომხმარებლო სოციოლოგიურ მოთხოვნათა დაკმაყოფილება;

3.3. შრომითი ფსიქოლოგიურ სისტემაში - ადამიანის ფაქტორზე ორიენტირება;

3.4. ადამიანური რესურსისათვის - სათანადო/თანამედროვე, მოთხოვნად განათლებაზე ორიენტირება;

3.5. საფინანსო და საბანკო მოღვაწეობის სფეროში - საკადრო მომზადება, თანამედროვე მოთხოვნათა შესაბამისად.

თანამედროვე მსოფლიო ეკონომიკა ეფუძნება მომსახურებისა და საინფორმაციო სექტორებს, ხოლო კონკურენტული წარმატების მისაღწევად სავალდებულოდაცაა მიჩნეული ახალი თანამედროვე მოთხოვნილებათა შესაბამისი ცოდნის ინოვაცია.

სწორედ ასეთი მიდგომა განაპირობებს ყოველი ქვეყნის წინაშე მდგომ სავალდებულო გადასაწყვეტ პრობლემას - ცოდნის შექმნისა და მისი ეფექტურად მართვის სტრატეგიულ ამოცანათა გადაწყვეტას.

ეკონომიკური თანამშრომლობისა და განვითარების საერთაშორისო ორგანიზაციის {(ეკონომიკური თანამშრომლობისა და განვითარების ორგანიზაცია (ეთგო), ОРГАНИЗАЦИЯ ЭКОНОМИЧЕСКОГО СОТРУДНИЧЕСТВА И РАЗВИТИЯ (ОЭСР)) - მიხედვით, წარმატებული ეკონომიკის მართვა, ეყრდნობა ინოვაციური მოღვაწეობის ოთხ წამყვან წყაროს:

1. სამეცნიერო-ტექნიკური ცოდნის სავალდებულო დონე;
 2. ინოვაცია - შემქმნელთა და მომხმარებელთა შორის ურთიერთქმედება, ინოვაციურ ქმედებათა სტიმულირება;
 3. კოორდინირებული სისტემის ფარგლებში შესაბამისი მოღვაწეობისათვის, ინოვაციათა დეცენტრალიზებული სტრუქტურის ამოქმედება;
 4. ინფორმაციულ-საკომუნიკაციო ტექნოლოგიათა ფართე გამოყენებითობა, მ.შ. მომსახურე პერსონალის განათლების დონის ასამაღლებლად.
- ამასთანავე, ეკონომიკაში გამოიყოფა ის მრავალფაქტორუ-

ლი ანალიზის მახასიათებლები, რომლებიც ქმნიან ინოვაციურ ეკოსისტემას:



THE MAIN PERSPECTIVES OF SOCIO-ECONOMIC DEVELOPMENT OF GEORGIA

Zurab Vashakidze, GTU Professor
Merab Kelenjeridze, GTU Associate Professor
Marika Diasamidze, Doctoral Student of GTU

S u m m a r y

The main goal of the thesis is to portray the importance of professional training of the technical-engineering staff. It is necessary for the perspective development of the country, which means to create an innovative ecosystem.